

Kanton Appenzell Ausserrhoden

[Kratak portret](#)

[Politički sistem](#)

[Religija](#)

[Slobodno vrijeme](#)

Kratak portret

Appenzell Ausserrhoden je jedan od 26 kantona (saveznih država) Švicarske. Prema broju stanovnika, jedan je od manjih kantona. Tipično za Appenzell Ausserrhoden su življene tradicije i regionalna prirodna raznolikost.

Brojevi i činjenice

Kanton Appenzell Ausserrhoden ima preko 56.000 stanovnika, od kojih su oko 18% strani državljani. Kanton, koji se prostire na 243 km², sastoji se od 3 okruga i 20 općina. Glavna općina je Herisau. Službeni jezik je njemački.

Živjeti ovdje je privilegija. Šarmanjna sela, smještena u blagim predalpskim brežuljcima, nude jedinstvene mogućnosti da budete daleko od buke, a ipak blizu gradskih centara. U Appenzell Ausserrhodenu imamo:

- stabilnu i snažnu ekonomiju s niskom stopom nezaposlenosti
- prekrasan krajolik i uzbudljive turističke ponude
- žive tradicije
- stabilni i niski porezi
- povoljne troškove najma i gradnje
- dobru prometnu mrežu
- stabilan zdravstveni i obrazovni sustav

Stanovništvo, ekonomija i politika karakteriziraju se konstruktivnom suradnjom i otvorenim dijalogom. Ovo je osnova za održivo oblikovanje budućnosti životnog prostora u Ausserrhodenu. Za lijep suživot, svi su potrebni!

Istorija

Appenzell Ausserrhoden nastao je 1597. godine podjelom teritorija Appenzella na reformirani dio (Ausserrhoden) i katolički dio (Innerrhoden). Godine 1513. Appenzell je postao dio Švicarske Konfederacije. Proizvodnja tekstila oblikovala je ekonomski razvoj od 16. stoljeća.

Važni prekretnice uključuju prvi kantonalni ustav iz 1834. godine i izgradnju željeznice između 1875. i 1913. godine. U 20. stoljeću kanton je doživio značajan politički napredak: 1934. godine izabran je prvi savezni savjetnik iz Ausserrhodena, 1972. godine žene su dobile pravo glasa na lokalnom nivou, a 1989. godine na kantonalnom nivou.

Običaji i tradicija

Kao da je vrijeme stalo!

Nijedna druga regija u Švicarskoj ne njeguje tradiciju i običaje tako intenzivno kao Appenzell. Od sredine svibnja, Sennen (stočari) u tradicionalnoj nošnji s kravama odlaze na alp. U Kranzrocku (tradicionalnoj suknji), ukrašeni kamej nakitom i Mailändertuchom (šarenim šalom), odlaze na « Stobete », veselo slavlje sa žičanim instrumentima. U jesen, na sajmovima stoke, bira se najljepša krava. Naša tradicija nas prati cijele godine.

Više informacija (linkovi, adrese, brošure, informacioni listovi)

www.hallo-ar.ch/hr/kanton-appenzell-ausserrhoden/kratak-portret

Politički sistem

U Švicarskoj je politička vlast podijeljena na tri nivoa: Savez, kantoni (savezne države) i opštine. O političkim promjenama Švicarci odlučuju putem glasanja.

Švicarska Savez

Švicarski Savez postoji od 1848. godine. Glavni grad je Bern. Etnički, jezički i religiozno Švicarska ne predstavlja jednu cjelinu. Pošto je došlo do dobrovoljnog ujedinjenja različitih kultura, kaže se da je to nacija dobre volje (Willensnation). Švicarska je neutralna zemlja u internacionalnoj politici.

Federalizam

Kantoni i opštine u Švicarskoj imaju veliku samostalnost i to se zove federalizam. 26 kantona i preko 2000 opština imaju izgrađene državne strukture. Kanton Appenzell Ausserrhoden ima svoj ustav, vladu, parlament i sudove. Kantoni i opštine su nadležni za mnoge državne zadatke. Zato je na primjer školski sistem od kantona do kantona različito regulisan. Dok savezni zakoni važe za cijelu Švicarsku, kantoni imaju i svoje zakone koji važe samo na području određenog kantona. Takođe i opštine mogu donijeti svoja pravila. Kantoni, opštine i Savez funkcionišu tako što na plaćuju porez od građana.

Podjela vlasti

U cilju sprječavanja koncentracije političke moći, u Švicarskoj kao i u kantonima, državna vlast je podijeljena na tri djela: zakonodavna vlast (legislativa), izvršna vlast (egzekutiva) i pravosudna vlast (judikativa).

I opštine imaju zakonodavnu vlast (skupštinu opštine ili parlament, Gemeindeversammlung, Parlament) i izvršnu vlast (gradsko ili opštinsko vijeće, Stadtrat, Gemeinderat). Na saveznom nivou zakonodavna vlast se sastoji od dva vijeća: Nacionalno i Kantonalno vijeće (National- und Ständerat). Savezna vlada koja ima 7 članova zove se "Bundesrat". Na nacionalnom nivou postoje takođe i različiti sudovi. Vrhovni sud (Bundesgericht) kao najviša instanca je nadležan za presude donesene u kantonalnim sudovima.

Demokratska prava

Švicarski državljani imaju glasačko i biračko pravo. Oni biraju političke organe na opštinskom, kantonalnom i nacionalnom nivou i mogu se i sami kandidovati za izbore. Osim toga, građani mogu na referendumima odlučivati o političkim poslovanjima u opštini, kantonu i na saveznom nivou (direktna demokratija). Putem građanske inicijative moguće je pokrenuti referendumsko glasanje po pitanju raznih promjena. Strani državljani koji žive u kantonu Appenzell Ausserrhoden nemaju pravo da glasaju i biraju. Oni mogu svoje probleme dostaviti vlastima putem peticije. Međutim, u Appenzell Ausserrhoden postoji pravo glasanja i kandidature na općinskoj razini (općina) za strance, ako žive u Švicarskoj 10 godina i 5 godina u kantonu. Ovo se odnosi na općine Trogen, Speicher, Wald i Rehetobel.

Osnovna prava

Najviši pravni principi u Švicarskoj sadržani su u Saveznom Ustavu (Bundesverfassung). Važan dio Saveznog Ustava čine osnovna ljudska prava koja su zasnovana na Evropskoj konvenciji o ljudskim pravima. Ova prava štite ljudsko postojanje (npr. pravo na život, pravo na pomoć u nužnim slučajevima) i zaštitu pojedinaca od državnog nasilja ili pojedinih grupa od strane većinskih naroda. Ova prava garantuju da niko neće biti diskriminisan zbog svog porijekla, rase, religije, pola i seksualne opredijeljenosti. Žrtve rasne diskriminacije imaju u kantonu Appenzell Ausserrhoden besplatnu podršku i savjete. U Švicarskoj postoji sloboda vjeroispovijesti, glasa i štampe.

Ko je pogođen diskriminacijom može se obratiti "HEKS Savjetovalištu protiv rasizma i diskriminacije" (HEKS Beratungsstelle gegen Rassismus und Diskriminierung).

Za sva pitanja u vezi sa radnim pravom i zakonom o ravnopravnosti, žene i muškarci mogu se besplatno posavetovati u informativnoj tački za rad.

Više informacija (linkovi, adrese, brošure, informacioni listovi)

www.hallo-ar.ch/hr/kanton-appenzell-ausserrhoden/politicki-sistem

Religija

Švicarska je tradicionalno hrišćanska zemlja. Međutim u Švicarskoj danas žive i pripadnici drugih vjerskih zajednica. Sloboda vjeroispovijesti je zagantovana i javne škole su vjerski neutralne.

Religija i država

U Švicarskoj tradicionalno dominiraju hrišćanske religije. U nadležnosti kantona je da utvrdi odnos između religije i države. U većini kantona na njemačkom govornom području, kao i u kantonu Appenzell Ausserrhoden, hrišćanske zajednice se priznaju kao javno-pravne institucije (nacionalne crkave, Landeskirchen). To znači da im država prenosi određena prava. Konkretno, njima je dozvoljeno naplaćivanje poreza od svojih članova. U kantonu Appenzell Ausserrhoden postoje slijedeće nacionalne crkve: Rimokatolička, Protestantska i Hrišćansko katolička crkva.

Religija u Appenzell Ausserrhoden

Pored vjerskih zajednica priznatih javnim pravom (nacionalne crkve), u kantonu Appenzell Ausserrhoden postoji mnogo drugih vjerskih zajednica raznih vjeroispovijesti. Kanton Appenzell Ausserrhoden je obilježen evangeličko-reformiranom tradicijom.

Sloboda vjeroispovijesti

Švicarski Ustav garantuje slobodu vjeroispovijesti. Svako ima pravo da ima svoje vjersko opredjeljenje, da ga ispoljava i širi. Niko ne može biti primoran da pristupi nekoj vjerskoj zajednici ili da učestvuje u vjerskim aktivnostima. Osobe se mogu okupljati i izvoditi vjerske obrede i proslave. Niko ne smije biti diskriminisan zbog svoje religije ili vjerovanja.

Religija i škola

Obavezno školstvo je vjerski neutralno. To ne znači da vjerske teme nemaju mjesto u nastavi. Postoji razlika između dvije vrste vjerske nastave: Konfesionalne vjerske nastave nacionalnih crkvi i školske nastave o vjeri "Etika i religije". U ovom predmetu se obrađuju vjerska i etička pitanja koja su vezana za sve ljude. Ovaj predmet je obavezan u osnovnoj školi (Primarschule i u 1. razredu Oberstufe). Pohađanje vjeronauke nacionalnih crkvi se zasniva na dobrovoljnoj osnovi. Djeca drugih vjeroispovijesti imaju mogućnost pohađanja vjeronauke van škole u svojim vjerskim zajednicama.

Više informacija (linkovi, adrese, brošure, informacioni listovi)

www.hallo-ar.ch/hr/kanton-appenzell-ausserrhoden/religija

Slobodno vrijeme

U kantonu Appenzell Ausserrhoden postoji mnogo atraktivnih načina da provedete svoje slobodno vrijeme. Posebno veliki značaj imaju udruženja koja nude mogućnost upoznavanja drugih osoba.

Udruženja

Mnogi stanovnici kantona Appenzell Ausserrhoden su članovi nekog udruženja (Verein). Postoje udruženja za razna interesovanja. Čak i u manjim sredinama postoje sportska, kulturna i druga udruženja. U njima se dobija idealna prilika za stupanje u kontakt sa drugim ljudima. Većina udruženja su otvorena za sve osobe. Informacije o udruženjima se mogu naći na internet stranicama opština.

Ponude za mlade

U kantonu postoje za mlade mnoge konkretne ponude u svrhu provođenja slobodnog vremena i upoznavanja vršnjaka. U mnogim opštinama imaju sastajališta i razne aktivnosti u slobodnom vremenu. Tu su mladi pod nadzorom stručnih lica i mogu da izraze svoje ideje i realizuju projekte (Jugendarbeit). Ove ponude su najčešće besplatne. Omladinske organizacije omogućavaju da se zajedno sa vršnjacima preduzmu neke aktivnosti i da se bavi sportom u prirodi. Nosioc ovih ponuda su udruženja, opštine ili crkve. Ponude su na raspolaganju svim mladim ljudima. Opština pruža dodatne informacije.

Izleti i kultura

Appenzell Ausserrhoden nudi brojne mogućnosti za izlete i bogatu kulturnu ponudu. Postoje mnoge lijepe rute za planinarenje i biciklizam. Brojni muzeji nude izložbe o raznim temama. Turizam iz Appenzella pruža informacije o mogućnostima izleta i događajima. Informacije o trenutnim kulturnim događajima mogu se pronaći i u lokalnim novinama.

Dobrovoljni rad

Volontiranje je društveni doprinos ljudima i okolišu, koji nije plaćen. Brojne zadatke u Švicarskoj tradicionalno obavljaju volonteri. Veliki dio ovog rada odvija se u udruženjima. Možete se angažirati u udruženjima za kulturu, sport, socijalna pitanja, obrazovanje, zaštitu životinja i okoliša, zdravlje i druge oblasti. Specijalizirana služba Benevol pruža informacije o volontiranju i mogućnostima angažmana.

Više informacija (linkovi, adrese, brošure, informacioni listovi)

www.hallo-ar.ch/hr/kanton-appenzell-ausserrhoden/slobodno-vrijeme